

光緒江西通志

江西通志卷五十九

山川略二

川六 撫州府

汝水在府城東門外卽盱江新城縣界流入厯石門許灣過文昌橋環城北折西南環城西北至黃塘口合臨水折北至蕭公渡合東鄉水至新畬擺又北過溫家圳入南昌縣界新畬擺西分十支抵南昌縣之舒家窟

臨水在臨川縣西四十里

一作十里

其源卽寶唐水自崇仁

縣流入縣境稱臨水東北流會宜黃水經縣北至黃塘

口入汝水

謹案謝志以巴水爲臨水源一統志作寶唐水今據改

連攀水在臨川縣西北五里源出長岡過品橋厯仙臨山過西高橋繞赤岡西又北瀦爲南湖由和尙橋出黃

塘橋至合處凡四十里水比諸水特重昔人取以充漏

刻

謹案連鑾諸志皆作連樊謝志引荀伯子臨川志云

甘諸山宜黃連鑾山四十里流至吳家渡注汝水東

興人以木傾浸井中後於連鑾橋下甘諸中得之連鑾

山未詳所在

據云四十里至吳家渡非今宜黃界矣俗

譌連樊因妄指爲二仙云

夢港水在臨川縣南三十里源出縣南白楊嶺舊稱夢

水一名孟港會禾嶺樓撫石池游頓諸水過烏石山入

汝水

巴水在崇仁縣南七十里源出縣巴山舊名定水亦名

母水城西北流至嚴陀寨入寶唐水

羅山水在崇仁縣西源出羅山其派有二一自暗坑出

沿流入寶唐水一自東塔出沿流入大港合臨水

青水在崇仁縣西北十里源出七都流經縣西驢陂又

至左港合羅山水

孤嶺水在崇仁縣東南源出孤嶺北流三十里與大浮山高峯山石牛源諸水合流至神前洲合羅山水

西甯水在崇仁縣西五里源出華蓋山曲折流入縣西與寶唐水合

金谿水在金谿縣上幕嶺東水色如金縣因以名西流至疏山橋入汝水

福水在金谿縣南十里源出於閩經南城梅峯至鼓樓

岡下會石門港水

謹案金谿縣志云福水會石門江誤

清江水在金谿縣南四一作三十里源出福建光澤縣界

由瀘溪縣過南城縣界入縣境至鳴山港入盱水水清冽宜漚楮故土人造紙名清江紙

江西通志卷五十六
青田港水在金谿縣東二十五里源出雲林山流經黃洞至黎盆合名楊港水又合仙巖港水經東鄉縣入饒州府安仁縣界

齊岡水在金谿縣西五十里源三一出查堆浮羅橋一出尖岡墩至下車橋合一出縣北金窟山至東門橋與查堆尖岡墩水合流至臨川縣境入汝水

苦竹水在金谿縣北四十五里西流入汝水

曹水在宜黃縣東北源出崇仁縣分水界雙坑流至縣北經捲雪豐樂二橋合宜黃二水

黃水在宜黃縣南五里源出縣南黃土嶺北分流至丁家洲東合宜水西合曹水又經諸灘渡至縣北搗港灘入臨川縣界會臨水

宜水在宜黃縣東五里源出縣東南軍山之北流四十里與漳水合又百里與黃水合

漳水在宜黃縣東南源出漳嶺寶屏峯下有左右二溪左至堯坊橋合宜水右至湖坪寨合宜一作黃水下流又

名東港

鰲溪水在樂安縣治西源出芙蓉山東流至縣又西流合大溪遠溪諸水入吉安府永豐縣界

寶唐水在樂安縣西北七十里

舊志在崇仁縣西一百五里今據一統志改

源出大盤山一名大溪源水東北流至崇仁縣嚴陀寨

納巴水東北經白鷺渡入臨川縣界

元何中山寶唐舟行至臨汝詩盧鵠

十志看不足愛雪貪行雪相逐清風吹散北山寒三十

六陂水初綠黃洲挈得罩蓬船松筠綠繞煙成淵陂聲

疊下灘聲惡鮑照卻歌行路難

大溪水在樂安縣南二十里源出華蓋山西流至烏水入鼇溪水

湖平水在樂安縣南六十里源出文筆峯自雲水峽三十里至湖平合善和及池頭羅陂諸水至永豐郭入鼇溪

書堂水在樂安縣東源出芙蓉山西流由石陂書堂受小陂以下之水至李河埭入寶唐水又十洞水亦出芙蓉山自十洞出小陂會紅畚沙港康邨諸水亦至李河埭入寶唐水

河源水在樂安縣北源出主峯山由河源流至袁坊合朱源水又徑戴坊廖坊至石棍入寶唐水

殷坊水在樂安縣北源出杯山由殷坊流徑廉坑龔坊

又龍義水亦出杯山流徑田下皆入寶唐水

遠溪水在樂安縣南百八十里分三派至招攜合烏水入龍溪水

三港口水在東鄉縣東北里許源三一出雄嵐峯一出珠坑庾嶺雞公嶺之閒一出竹山峽三水交會於縣城東北故名三港口北流折西至新陂合延橋水出金雞城入汝水

花山港水在東鄉縣東南源出螺首峯南流至朗橋與金峯東麓之水合下流入三港

太平橋水在東鄉縣東源出庾嶺之左流徑太平橋至烏岡入三港又金橋水源出縣南賽陽關普安橋水源出庾嶺下流俱入三港

浯溪水在東鄉縣西南源出梅坑山烏株橋水源出段坑下流皆入延橋水

黃塘墟水在東鄉縣北源出雄嵐峯流爲黃塘陂下流爲廉陂入三港

潤溪水在東鄉縣西六十里源三一出餘干之李梅峯一出鶴堂峯一出贊王嶺至巖前陂合北下爲潤陂水至餘干縣族湖合入龍窟河

南湖在府城南門外西折里許相傳南唐元宗弟齊王

景達所開今湮爲田

宋曾季狸南湖詩葛巾藜杖與何長爲愛南湖六月涼雨在山頭作

雲氣風來水面散荷香登臨稍喜市聲遠徙倚猶嫌歸興忙後日重來攜枕簟不妨午夢到斜陽

瑤湖在府城東南江廣流緩渟滯如湖稍北有千金隄白鰾潭在臨川縣北一百里相傳宋晏殊之祖其葬處

掘得三白鰾一奔入潭故名

青水潭在崇仁縣西北十里源發十都流至縣西鱸陂與大溪水合

龍潭在崇仁縣凡四羅山沸湖山芙蓉山華蓋山皆有
播鼓潭在宜黃縣南九十里山泉傾瀉入潭其聲如鼓
梅仙潭在樂安縣南五十里石磯出於水裔松竹森潤
其源有梅百十株

龍西潑在崇仁縣西南兩山聳峙中通一渠遠接相山
泉隨石瀉下注爲潭可濟歲旱

黃金瀨在崇仁縣東二十里下有潭深莫可測

虎頭洲在臨川縣北三十里宋治平中郡人李權夢張
樂送至洲上俄登第授虔州司理蓋虎頭之應也

佐洲在金谿縣西狀頭山之東宋傅子雲嘗游詠於此
墨池有三一在府學晉王羲之學書池上池水盡黑故
名一在金谿縣距白水寺三里乃謝靈運滌硯處又臨
川縣清遠驛有墨池

臥冰池在府城東門孝義寺俗傳爲王祥故宅

靈運池在臨川縣東四十里距靈谷山二里許池在山
巔謝靈運爲內史日游於此故名

放生池舊因汝水爲之唐末邕州蔡大夫遷撫州刺史

謹案唐書陸龜蒙傳有撫州刺史蔡京全唐詩錄京假節邕交道由吳谿詩一首與此云邕州遷撫州合則蔡大夫卽京也撫州府志京爲大中時人此列唐末誤游汝水放生禁採捕有人乘

小舟釣其上蔡使人捕之釣者爲詩云投卻長竿卷卻
絲手攜蓑笠獻新詩臨川太守清如鏡不是漁人下釣

時宋州守朱正辭始卽吳陂莊之南塘爲之制斗門以均蓄洩

化龍池在崇仁縣廨北宋樂史家池旁有巨鱗甲爪距如金一日風雨大作化龍而去史登科正此日也仙鵝池在崇仁縣西南四十五里相傳唐道士杜仙興修黃籙齋忽有仙鵝七飛集池上又縣南有鹹池陳司空黃法甌因侯景亂於鄉里聚徒助陳高祖有功又有奇術嘗變鹽池於家山下今水味鹹於他水

齧指池在金谿縣東二里烈女祠前唐寶曆閒冶監者坐鑛竭虧額將罹重辟二女痛之因齧指自誓躍鑛死後人因以名池

龍池有二一在宜黃縣南九十里之綿谷相傳唐大厯

開邑令許渙禱雨於此有黃龍驤首而至須臾霹靂一聲甘霖大注一在樂安縣北五里兩山之間匯爲池廣十畝中有穴其南五十里又有雙龍池

鏡香池在樂安縣廨西舊有蓮池久湮宋淳熙開邑令趙善恭濬之建鏡香亭於其上

溫泉在臨川縣西北三十餘里明水山東麓有明水寺迤東四五里有池常沸曰溫泉宋蘇軾謂天下溫泉七汝水其一也明萬厯中知縣劉孕昌建亭覆之今圯迤西五六里有池清冷曰冷泉昔人謂水有日月之象故山曰明水也

一滴泉在府城內萬壽寺冬夏不竭王安石有一滴有源通地脈半泓無底透湘川之句白鹿泉在府城內寶

應寺相傳謝靈運繙經時有白鹿跑地泉湧出

靈泉在金谿縣南十里一名五星泉白石罅噴出纍纍如撒珠縣東二里伯清泉清澈味美又有泉出石中名石眼泉寒暑如一宋嘉定開縣令樓鏈於泉上各刦一亭一扁以待霖其一未扁鏈字伯清邑人卽以名泉玉香泉在金谿縣東四十里其泉甘香

黃蜂泉在金谿縣西三十里寬不盈畝而泉脈星燦多於蜂房灌田百頃

鳴玉泉躍馬泉俱在金谿縣南翠雲山中

宋謝靈運鳴玉泉詩山路秋

陽何赫赫山亭淒冷多秋色豈惟醉耳玉琮琤照眼寒光如練白舊問瀑布垂雲間恍疑銀河墮天關西望香鑪不得住箇中原有小廬山台季狸躍馬泉詩山靈從何來崩騰躍萬馬初疑夫差軍水犀光照夜又疑闕於戰聲撼武安瓦森然毛骨聳舌柱不能下對此神騖姿可以一戰霸

江東通志卷五十一 川六
白龜泉在樂安縣南八十里近仙游觀昔吳真人修丹時有白龜自山南導泉而出故名

仰泉在東鄉縣何坊山麓有池廣丈餘水由地出如珠滾盤下流灌田甚多又有清井泉在長林亦利灌溉

九十九井在臨川縣東南七里俗傳周迪與其妻約曰一夕之內爾織百縑我開百井至四更百縑已就效雞鳴以紿之羣雞皆和方得九十九井聞雞鳴遂止鄉人因立周仙王祠

朱井在府學文廟西廡下其泉清冽

丹井有三一在府廨西南魏壇觀乃魏夫人煉丹之所一在臨川縣靈臺鄉明真觀乃黃華姑煉丹所一在樂安縣四十里玉庭觀乃王郭二仙煉丹所

南北井在臨川縣東南靈谷山中

●國朝游東昇詩南
衙北衙水火別靈峯

井井相對列丹竈坎離嬰蛇結玉漿銀乳並瑩徹沐日
浴月兩溶溶紺元互映寒枝雪其中一脈若爲通陸賈
交驩聯平勃安得溥及清冷淵急
沃生民焦與燁鼓腹還虞鑿井篇

雙黃井在臨川縣西四十里其發乃雙黃木甕至今不

朽舊傳曾真君煉丹處鄉人立亭於上

石仙人潭井在金谿縣東二十五里有仙迹歲旱應禱

又東二十里有三龍井昔劉仙師得參龍術能興雲雨

井乃其遺跡也

仙人井樂安縣有二一在平湖岡上一在巴塘

以上並
據府縣

志

川七 建昌府

盱江在府城東門外一名建昌江源出廣昌縣南血木

嶺流六十里爲盱水又二十里爲巴溪又十五里爲小
勳溪又五里許至廣昌縣前五十里入南豐縣界東北
流百九十里至府城爲盱江會新城縣飛猿黎灘二水
又東北流六十餘里入撫州臨川縣界

東江在南城縣東一里卽飛猿黎灘二水自新城縣界
流入縣界會縣中諸水經落峭石又流經通會橋至雙
港口入盱江謹案舊志東江源出新城縣覆船山又云
新城縣黎灘水源出福山之赤帶澗覆船
山卽福山一山異名遂
若東江別爲一水失考

龜湖在南城縣東五里一名蟠湖地譙云龜湖衝破狀
元生宋時爲黎水衝開淳祐中張淵微果登第又張昇
生之年湖亦開

天湖在南城縣東四十里五藏巖之側一石山如禾困

仰高逾數百仞絕頂平坦有田數十畝雖旱常稔故曰
天湖又東十里爲金龜湖湖中有石潛伏如龜旱則半
露人皆見之相近有蛟湖宋時一日雷電晦冥湖中有
聲人以爲蛟蜃相關又東三十里有龍湖

天井湖有三一在南城縣西南二十里居山巔水色藍
碧可卜豐歉諺云湖水淺今年旱水滿湖禾不枯一在
南豐縣東北三十里深如井清澈而天光上下故名天
井一在廣昌縣西南三十里湖闊五畝許歲將旱則水
先涸將雨則水先溢

蛤湖在南城縣西三十里有石磔百丈飛瀑淙下入湖
多產蟹蛤宋治平寺碑云蛤湖石鑑是其處也

鯉湖在南城縣南四十里昔有雙鯉游其閒其南爲上

湖北爲下湖故又名三湖

高枧湖在南城縣北十五里闊半里許舊名聚水湖宋熙甯中付陂長灌溉高枧莊官田故易名

蔓翠湖在南豐縣東里許舊名萬歲湖城中濠水皆瀦於此下入盱江

日月湖在南豐縣南十里形如日月

西湖在新城縣西四十里上有龍王廟縣北三十里有象湖源出金龍山

桂湖在廣昌縣南七曲迴流至白水鎮乃可通舟又名桂湖七渡

灑溪水在南豐縣西十五里源出早禾坳至官莊合軍港水入盱江

紫溪水在南豐縣西南源出縣西九十里黃家尖南流六十里合瞿溪水又至縣南八十里入盱水瞿溪水源出縣西南百餘里

荪河水在南豐縣西南源出縣西七十里東南流至縣南七十里入盱水又泉陂港水密港水九劇水在縣南了溪百丈水在縣西南滄浪水朱家港水在縣東南皆入盱水

軍港水在南豐縣西五里源出軍山東南流入盱水又布溪水源出縣西北蓮花峯下有瀑布周二十餘派瀉下數百丈東流入軍港

官濠水在南豐縣北有二源一自縣北入城出關一自縣西隅二濠同流至萬歲湖入盱水又雙港水梓港水

在縣北俱源出梓源東流入盱水

斤竹澗水在南豐縣東五十里源出連珠峯下西北流經南城縣界至敖家渡八十里入盱江

黎灘水在新城縣西南一名黎川源出縣東南紅水嶺流經天堂巖下三溪橋與四望嶺九折水合至南津經縣西又西北合龍安水經公口入南城縣界爲東江或

云水自黎汾祖墓旁出故名又名中川

謹案舊志云黎灘水源出福山

之赤帶澗一統志縣志云出紅嶺其出福山赤帶澗者爲七星澗水乃黎灘水之支流也

飛援水在新城縣東北一名悲援港俗名飛鳶水其源

一自濟源一自杉嶺一自周湖並下飛援合洵溪水經

石硤至五福又名五福港亦稱東川流入南城縣界合

黎灘水

龍安水在新城縣西南源出會仙峯經龍安鎮故名一

名西川折而北入黎灘水

謹案新城縣水以中東西三

遺西川於飛猿水又不詳其源流茲補正

冰壺水在新城縣西四十里源出福建建甯縣李嶺下

流入龍安水

七星澗水在新城縣南一名赤芾澗一名南津源出福

山北流與高臺山西溪水合又經竹山入黎水又九曲

水源出棲靈山南三里其流九曲入黎水

嶺村澗水在瀘溪縣東南五十里一名嶺村港其源二

一自魚鱗山一自都谿山厯桐埠流入南城縣界入盱

江

梘溪水在瀘溪縣東十里源出大覺巖流入瀘水又稅

溪水在縣東北巖槎港在縣西俱流經高埠入瀘水

三溪水在瀘溪縣西一名長古水源出福建光澤縣自烏培流入經縣西曰南港又北爲三溪入瀘水

石礮溪在南城縣南五十里旁有石礮水流入其中不知所注測之益深或以木石墜而試之竟不知所出

岳溪在南城縣北三十里源出岳口

荷石百丈溪在南豐縣西二十里源出二溪口至前山港口入盱江

彭武溪在南豐縣東六十里源出何家峯流入南城縣界入盱江

沙溪在新城縣東南二十里源出巖嶺宋傅權居焉西

溪在縣西南十里源出淦流坑宋呂南公家此

學溪在廣昌縣西南源出金嶂山經永興寺縈繞縣學
明正德甲戌巡道胡世甯濬爲二溪一自拱北門入循
舊河一自外繞迎恩門至學前復合於佛流口入盱水
龍溪在廣昌縣東北八十里源出高陂流入石門通汝
川山水佳勝宋李山甫居之因號龍溪釣叟

瀘溪在瀘溪縣北門外源出福建黃石口至石陂入雙
港口繞縣治抵三溪而出高阜流入廣信府貴溪縣界
石頭港在南城縣東八里源出梓木嶺澳港在南城縣
東四十里有二源一出日山一出韓山流會於河田
雙港在南豐縣北五里源出老虎窟至安豐橋入盱水
長橋港在廣昌縣東有三源並流至中坊橋入盱水又
南村港青銅港石壁港皆在縣東頭陂港石梁港文會

江南通志卷五十六 川七
港唐坊港在縣南皆入盱水

大源龍潭在南城縣東十里昔爲民居龍出陷爲澤又東五里有高志潭宋元豐閒有漁者沒水捕魚信宿乃出云潭近驛路中有石巖廣四五丈穴後高燥時陰晦直入巖底遂迷所出三日乃霽巖穴映光得故道而出治平中大水鄉人見黃龍橫於水上漲高數丈潭亦湮塞又東十里有鼃潭漁者云潭深不可測盛夏水冷如冰其中有石穴不敢近潭側有萬氏居宋治平元年堂毀偶發一竅極深多投鐵器并橐秸畚土築之今履其上猶瓏瓏有聲或以爲鼃穴其下

誕母潭在南城縣東四十里巨蛇閒出鱗甲爛然歲旱禱於潭者初投紙疏必深沒隨復浮屢有驗相近有石

壁龍潭宋紹興丙子雷震晦冥有聲聞數里經月人以爲龍吟

天井潭在南城縣東七十里內有龍蟠欲雨則電光發又東二十里爲魚輪山龍潭其深莫測人呼海眼側有龍王廟歲旱以鐵投潭雨卽如注明成化閒有巫者主壇命兒投鐵於潭雷雨暴至一黑犬迫兒甚隨死焉石虎潭在南城縣南半里許地讖云石虎潭填出宰相宋曾布應之城南八十五里有界潭介在南城南豐之閒上有危全諷祖墓

金潭在南城縣北四十里每雷雨將作則雲氣滃鬱於上

梓潭在南豐縣西北二十五里流二十餘里入軍港

黃龍潭在南豐縣東四十里蛟龍所居歲旱禱雨輒應
小姑潭在南豐縣東南三十里其地舊名西源有石鎖
江口如石門門內復有石橫之險類小姑山因祀小姑
山神於上又縣南南臺山下有南臺潭一名塔下潭水
流最爲險急舊志云南臺沙上南豐出相宋治平中建
塔其上從潭中取沙以供築未幾曾布作相

黃梅潭在南豐縣南四十里相傳里人嘗墜一木甕次
日出於京潭隔二十里水乃相通歲旱潭上雲生則雨
又南二十里爲相公潭其上有伍子胥祠

九龍潭有二一在南豐縣西五十里歲旱水有聲必雨
一在新城縣南四十里有龍居之雲出必雨

擂鼓潭在南豐縣西七十里兩崖壁立夾溪中有一穴

深十餘丈圓徑數十尺了溪水經此湍激聲震如鼓故名

塵落潭在新城縣南福山東五里相傳有塵墜死其中故名縣東南十里有更鼓潭又五里有石板潭中有石板漁人善泅者嘗見之縣東六十里有橫石潭一名龍潭深不可測

燕子潭在新城縣西南五十里桃溪瀦而成潭

米洲潭在廣昌縣西北七里相傳陰聖墓下有一洲曰米洲歲熟則草茂歲凶則草枯又有七星潭相連如斗象

石壁潭在廣昌縣南十五里潭旁石壁高三十餘丈上有海眼俯瞰之深窈莫測

鵝公潭鴨公潭俱在瀘溪縣西北出雲峯石壁四立名曰石倉從穴門入內有二潭相傳老龍潛焉

大南澗在南豐縣東南五里白石梯嶺南流折而北繞南臺山入盱水又縣南二里有小南澗源出牛頭坑會大南澗

七佛澗在新城縣東四十里源出福山唐廣明元年僧紹隆入山有七佛見故名

殷家源在南城縣西二里自西郊旋繞入城出北關入盱水

洪源在南城縣南十五里舊有小溪宋至道元年一夕水暴發有雙鯉自民居躍出破陳家山而入盱江

鶴源在新城縣北三十里慈源寺前昔有靈鶴翔翔水

上故名

中洲在府城南門外盱江中春水泛漲其洲不沒地讖云洲生毛羽出翰林自宋以來屢驗

菖蒲洲在新城縣南俗名打魚洲有橋亦名菖蒲有寺名般若林

西池在府城內西隅舊有清暉水心冉香碧圓垂絲漣漪六亭相近有鹹池種蓮藕味極美今淤塞城東十五里有龍池

硯池在南城縣儒學明倫堂右石甃之方廣尺許深似之其清可鑑又宋碧眼泉在元妙觀前

雙松池在南豐縣南化成寺側唐天祐閒謝禪師植雙松於池上

江口通志卷三十一 川七
濯纓池在新城縣治內

白蓮池在廣昌縣西南五十里唐儀鳳閒居民曾延種紅蓮數歲變爲白蓮於花中得金範觀音像因捨宅爲寺後又變爲碧

瑞泉在府治內宋知軍陳繹將還朝便坐之側泉忽湧出故名府治前有應春泉取施德如陽春之義又有仁平泉宋紹興中參軍沈敘達命名又張公泉在府治南宋政和中旱知軍張宏鑿井得泉郡人感而名之

神功泉在南城縣西南麻姑山清而甘美宜釀酒故吁江有麻姑酒

鳳山泉在府城內西北其泉甘冽用以釀酒並於神功紅泉在南城縣西南麻源第三谷泉自砂中流出其色

紅宋謝靈運山居賦訊丹砂於紅泉卽此

湯塘泉在南城縣東八十里有泉湧出如沸湯至冬尤熱一名湯沸泉又縣東北八十里有靈泉一名湯泉一名法水

古圳泉在南豐縣西南五十里漑田千畝

蓮花泉在南豐縣學前川上亭左昔人往浴聞蓮花香氣故名

溫泉在南豐縣東南七十里甘露寺前有三泉里人號爲三池冷池雖伏如冰熱池雖臘亦沸惟溫泉可濯

丹泉在南豐縣迎圩門外三仙祠下今涇

第一泉在新城縣西陽山下清澈不涸較他水特重明張櫟建亭其上額曰黎川第一泉

隱泉在新城縣西北四十里井有銅底水性較寒相傳唐相鄭畋所鑿

酒泉在瀘溪縣東八里椒澗相傳有道者教市叟投粒米於泉中卽成佳醞隨客所飲多寡無不霑足後道者復至以其心貪投一小石遂不復成酒

九龍井在南城縣南四十里井凡有九旱輒禱此

丹井一在南城縣南十五里乃洪崖丹井一在麻姑山仙都觀世傳爲葛洪煉丹井

冷水井在南豐縣東水最甘冽又縣東六里有孫家井寶尺許泉涌不絕又縣東南七里有馬坪井皆灌田千畝

義水井在南豐縣者有十皆歲旱不竭一在南門外濟

川橋頭一在濠頭一在中巷內一在辛家路口一在集
賢館前一在宜春門內一在護法寺一在黃泥巷一在
祝家巷北一在學背凡禱雨則十井並祭
柏木石龍井在廣昌縣南二十里每見雲霧潏然卽雨
禱或不應則投鐵激龍雨如注又縣西十里有石雲井
亦旱禱之所

金井在廣昌縣西南九十里地極幽勝

仙人井在廣昌縣唐坊之烏石峯相傳有楊仙至此欲
飲以杖拄其石泉隨湧出後病者飲之輒愈

魚塘井在瀘溪縣一都四圍皆石深不可測

以上並據府縣志

川八 廣信府

上饒江在府城南

一作北

一名信江亦名信河又稱高溪

或稱上饒溪源出玉山縣上干溪經縣東又折而南合
下干溪至縣南門外名玉溪亦名大王潭西流至府城
南名上饒江又西南流歷鉛山縣西北又西至弋陽縣
東爲弋陽江南折而西至貴溪縣南稱貴溪亦稱鄣溪
又西入饒州府安仁縣界唐張祐旅次上饒溪詩碧溪
城掩樓深片月斜夜橋昏水氣秋竹
靜霜華更想曾題壁凋零可歎嗟

弋陽江在弋陽縣東二十里卽上饒江

蓮湖在弋陽縣西十里源出貴溪縣鳴山西流六十里
入葛溪

西湖在鉛山縣南門外舊名江家湖中涵鵝湖山影
清湖在鉛山縣北三十五里一作縣西二十五里縈帶如玦清澈
可鑑明費宏兄弟徙居其上

破石水在上饒縣西六十里源出福建建陽縣界北流六十里入信江可通小舟

靈山水在上饒縣東北

一作東北字

二十五里源出靈山之

南流百里入信江通舟楫

軍陽水在弋陽縣南三十里源出隱土石之西北流五十里至軍陽山復西流七十里入弋陽江

河橋水在貴溪縣北七十里源出百丈嶺北流十五里經楊柳林至塔橋入信江

桐木源

一作

水在鉛山縣南五十五里源出福建崇安縣

界流入分水關北合紫溪又西合黃檗車盤諸水至汭口入信江亦名鉛山水又南五里爲上下渠源水源出崇安界溫林嶺沿流六十里入桐木水

車盤水在鉛山縣南合桐木水又含珠水在縣西源出含珠山北流合新峯陽塙二水入桐木水

汭水在鉛山縣西北三十五里石城層冰二洞閒有二小溪合流五里與桐木水會入上饒江故入江處謂之汭口

封禁山水在廣豐縣西南源自上饒界封禁山東流過軍潭石合永平溪

西橋水在廣豐縣西北發源縣北之黃尖山諸小溪曲折而來繞縣後抵西橋入永豐溪

櫛溪在上饒縣西十里發源靈山岸多櫛木因名西南流入信江

峙溪在上饒縣西二十里源出石橋鄉東流五十里入

永豐溪始通舟楫

沙溪在上饒縣東五十里源出沙溪嶺南流入信江

靈溪在上饒縣東北二十里源出靈山亦曰靈山水南

流百里合玉山沙溪諸水南入上饒江

明夏言入靈溪詩危橋跨水

玉虹流渺渺春波畫鷁浮百里雙溪初入口龍岡山下是源頭

古良溪在上饒縣南

一作西

五十五里源出銅塘山北流

與丁溪合入信江

宋溪在上饒縣西八十里源出靈山西流百二十里入信江圖經云宋氏居此溪側唐天寶六載敕改爲宋氏水

上千溪在玉山縣東五里一名乾溪一名金沙溪其水一自三清山冰玉洞發源一自浙江常山縣界發源至

是合爲一抵新安隄南與下干溪合流下干溪一自浙江江山縣干溪發源一自江山縣上陽發源至瀆口合爲一入上干溪

冰溪在玉山縣南一里卽信江一名玉溪亦名大王潭其水清潔

古溪在玉山縣東南一里下流入下干溪亦名桃花港
滄溪在玉山縣南三十里源出浙江江山縣委蛇至縣界與瀆口合中有石陂瀦水呼爲石倉

嵒溪在玉山縣西三十里源出懷玉山南流抵上饒境通小舟

葛仙溪在玉山縣西北六十里旁有天呼墩俗傳葛仙翁修煉於此源出上饒縣靈山流入縣界至靈溪合玉

溪

石鼓溪在玉山縣北一百二十里懷玉山龍潭之側溪中有石內虛外實擊之有聲隆隆

弋溪在弋陽縣東二十里源出上饒縣靈山西南流至縣界六十里入弋陽江水口有大石面如鐫弋字

葛溪在弋陽縣西二里亦名西溪源出上饒縣靈山雞尖峯經興安縣葛源山流入縣界繞城北又南流入弋陽江寰宇記昔歐冶子居其側以水淬劍又有葛元冢故名葛水

明溪在弋陽縣西二十里源出貴溪界南流三十里一作里入縣境又二十里入葛溪本名弱水唐刺史孫成改今名縣東四十里有師溪亦入葛溪

大洲溪在弋陽縣東南二十里源出上饒縣浮竹山西北流二十里會師溪水又西流五十里入弋陽江
薌溪在貴溪縣東南五十步江自弋陽縣界流入至此上有白芒洲產鬱金香草故名合湖陵箬溪戴星惠安諸溪水入安仁縣界

上清溪在貴溪縣南一百里合樂郎水西流入安仁江
石堂溪在貴溪縣西二十里自福建歸化縣流入縣界
上源數十里皆生苦竹苔痕點暈狀如琢玉幹直可爲杖水旁山嶺幽映堪爲賞玩溪岸竹樹蒙密

箬溪在貴溪縣北十里亦稱箬港源出縣西北五十里
大水源南流至縣西十里金沙渡入薌溪又縣北五里有戴星溪二十里有湖陵溪田西溪縣東二十里有石

榴橋水俱合諸山水入薌溪

須溪在貴溪縣南俗呼羅塘港以水勢迅疾斯須而逝也源出福建光澤縣大源官山東流百里經火燒嶺折而北流受南鄉三十六源水至中坑渡入薌溪

惠安溪在貴溪縣北五十里源出自鳴山西流入十里入薌溪又河橋水在縣北七十里源出百丈嶺南流入薌溪

焦溪在鉛山縣南百餘步源出洋源山水色黃沾衣則腐以灌溉不損物

紫溪在鉛山縣西南四十里源出紫溪石壟六十里入桐木水又縣西有雙溪二水發源閩界循鳶山流入善政鄉山迴溪合風氣攸止明宗伯汪俊兄弟卜居李東

陽詩雙溪溪水清如玉卻抱孤邨成一曲是也

石溪在鉛山縣東北三十五里源出山溪中上饒廣豐南境之水皆匯於此北上饒江又傍羅水在縣北二十五里自上饒縣界流至汭口入上饒江

永豐溪在廣豐縣西北二十五里一名乾溪源出福建浦城縣盤亭流入縣界合永豐溪玉湖橋諸水經縣南又西北流入上饒江

永平溪在廣豐縣東四十五里岸多杉木一名杉溪下流合扈溪入永豐溪

峽口溪在興安縣北二十里有仙潭禱雨卽應又北四十里爲黃溪

詹家港在貴溪縣南三十里其源有二一自上磔一自

深田至縣西南五十里雙港口合流至詹家口入薌溪
又黃泥港在縣西南源自應天山至安仁縣界爲黃港
口入錦溪

岑港在興安縣東北五里匯山溪諸水繞縣城西南流
又西南入弋陽河

黃藤港在興安縣東十里亦溪澗諸水會流處南流入
弋陽江其水洶湧每漂沒民田明萬厯中知縣卽文煥
緣港築壩瀦水溉田民受其利

廿里潭在上饒縣西三十里接鉛山縣界其水渟蓄廣
二十餘里

君遷潭在上饒縣西五里信江豐溪二水合流至是有
石屹立水中下匯爲重潭舊時長吏遷擢常祖餞於此

故名或云潭上有君遷樹一名龍潭

古井潭在玉山縣北二十五里其水清深下有石巖水脈上通井漁者入水似聞龍吟之聲又北二十五里有落馬潭源出三清山相近復有汪邨潭

八礫龍潭在玉山縣懷玉山麓深不可測水由山巔傾注而下勢甚洶湧潭側有石鼓溪又玉琊峯下有玉琊溪皆卽玉溪之源也

傅家潭在玉山縣治東二里傅家山下常興雲霧人傳龍潛其中

重潭在弋陽縣西南二

一作三

里北流半里入弋陽江或

云春時有鰈魚沿流從南湖而上止於此潭

武石潭在弋陽縣東三十里有石雄踞溪澚溪流觸石

匯爲深潭汪氏世居其旁

鑿石潭在貴溪縣西里許其涯有十二竅各大一尺深丈餘今名潭灣有鰕鯉等潭漁人以筏隔其上魚不相混

橫潭在貴溪縣西四十里又西十里爲鷹潭

國朝劉命清過鷹潭詩不畏前溪冷雞鳴逐曉星風霜欺短鬢身世信浮萍鷹眼寒潭碧龜紋石殺青無勞嗟遠役百里見鄉亭

大王潭在鉛山縣西二十五里爲信河最深澄處

七里潭在鉛山縣西十里旁爲七里山故名其深莫測

旱禱輒雨

仙靈潭在興安縣北三十里迎山下形如甕相傳通龍

泉山仙潭

老虎灘在上饒縣西十里開化鄉灘勢險惡故名又縣

西二十里有牛眼灘中有兩石如牛眼水勢震激舟行甚險又縣西八十里有鐘石灘灘畔巨石如鐘

桃花灘在弋陽縣西四十五里灘石鏤錯如桃花瓣

信義港在弋陽縣東二十里源出福建邵武界北流入縣界又北入弋陽江方輿記云港旁土地饒沃人多信義故名

禁港在貴溪縣上清溪明永樂十四年遣官設醮放生上自蓮霞潭下自雷打石立石禁施網罟

秋香源在貴溪縣北地多桂樹涼秋著花清香襲人

南源在興安縣葛源山內四山高聳唐進士鄭畋居此南城洲在弋陽縣東南遏西溪水東流繞縣稱爲形勝白芒洲在貴溪縣東一里舊產鬱金香草識云白芒洲

與羊洲連貴溪出狀元縣南有桂洲其陽與琵琶峯對
象暨雲堂諸峯屏列於其陰明夏言先世所居也

南池在府城內蹟爲舊州學泮池久湮

國朝知府周錞元重濬

月池在玉山縣東嶽行祠之東月出其光先照池上有
亭朱子顏曰天光雲影今圯

化生池在弋陽縣龜峯山池上石壁三大字朱子所書
陸羽泉在府城茶山寺以其土赤一名燕支井化雨泉
在鍾靈講院內泉味甘冽

生生泉在府城試院內明嘉靖丙午餘姚翁大立任江
西卹刑掘泉以解疫病

收泉在上饒學門之東

一滴泉在上饒縣南巖之西白石竇中出味甚甘四時不竭

默泉在玉山縣煖水三山之麓產四足魚蓄諸他池則不活縣南黃谷山有玉泉在福慶觀內縣東石馬頭有寒泉

石泉在玉山縣西北出石山下四時不竭

萬壽泉在弋陽縣市北稍東唐陸羽嘗品之以爲信州第三泉也

跳珠泉在鉛山縣西里許石壑泉湧如珠亦名小石井縣城西又有膽泉出觀音石可浸鐵爲銅縣東二十五里瓢泉形如瓢宋辛棄疾得而名之因賦水龍吟縣南六十里教場山有玉壺泉宋邑尉吳紹古所名亦類瓢

狀

卓錫泉在廣豐縣北周安鄉博山寺後唐韶國師卓錫得泉故名

官井在府城闔闔坊又名義井宋嘉泰間義門鄭安壽修明萬厯癸巳翁元勳等再濬九井在高泉院內四時不竭今止存佛殿前一井

銅塘井在上饒縣南銅塘山麓有九井幽深莫測相傳有神物居中旱禱輒應

華峯龍井在玉山縣南十五里有龍潛焉興雲則雨

疊石龍井在弋陽縣二十六都龍盤山

聖井在貴溪縣南龍虎山三井相連一井在絕頂人迹罕到世傳有龍居之投金鐵重物則浮楮帛輕物則沈

苟不精潔盤旋而出受之必泛果實以酬水黝黑中產異魚零者迎以致雨屢驗

義泉井在貴溪縣南七十里當入閩要路里人涂氏鑿井引泉作亭其上張宇初題曰義井泉又南有三台井三級相連四時不竭故名

石井在鉛山縣北四里巨石閒有竇湧泉匯爲井上有石龕覆之石文隱起錯鏤如蓮花倒生縣多膽水味澀此獨甘日夜流不竭溉田數百頃舊名玉洞泉又有碧玉慈濟醒心諸名唐光啟中賜今名

此弄清澗人言湛碧深無底只恐潛通小有天

葡萄井在鉛山縣西三十里汭口街昔有葡萄生井上蔓延街里明洪武閒塞

七星井在廣豐縣城中宋邑民陳德禮開發

銅石井在興安縣北七十里葛源橫峯陂溪中水漫井上深不可測相傳昔有龍升於此竅通弋陽仙姑潭上

並據府縣志

江西通志卷五十九

江西通志卷六十

山川略二

川九 饒州府

鄱江在府城南門外樂安江自東南來昌江自東北來會於城東名鄱江又名長港經城南而西又北十餘里復分二支名雙港分流入鄱陽湖水落時有石梁橫互爲兩岸過脈

樂安江在樂平縣南樂安鄉故名自德興縣界流入會明口建節槎溪內河諸水入鄱江

昌江在浮梁縣南一名大河又名北河自安徽祁門縣流入會小北港及鄱源厯降大演諸水入鄱陽縣界安仁江在安仁縣南一名錦江又名安仁港自貴溪縣

界流入經縣東南會白塔河流經餘千入鄱陽湖

新開河有二一在鄱陽縣西明崇禎間知府張有譽開此以厭火災一在縣東南六十里接白家汀港

龍窟河在餘干縣南十五里傳有白龍潛窟中時出爲雨故名自安仁縣界流入又北至縣東南桐口灘分流入鄱陽湖

內河在樂平縣南自鑛山而西分三支中支起康阜爲縣治左支挾傳賢塘水右支挾西塘水至縣前二水始合抱市西流號內河過龐公橋入樂安江

白塔河在安仁縣東南其源一發龍虎山一發金谿雲林麓至白塔二水合流四十里入安仁江

竹屯河在萬年縣西源發西南諸山過厓山古羊山會

流成溪三十里達餘千古埠出大河灘高水淺稍旱則
舟楫難通又有殷河源出百丈嶺匯諸源溪水以通泊
水

鄱陽湖屬饒州境者在鄱陽縣西四十里

明魯修詩湖水霜前蒼渾

人動作羣洲平沙草在山散夕陽分劍落番君廟荒涼
陶母墳行舟與過雁萬古自紛紛秦夔同金廣信宗
噉噉何處來十幅蒲帆弄秋容冷碧色澄鮮三萬頃樓船
著花秋滿湖吳興已遠郭熙老誰為寫此秋江圖汀洲
遠近迷雲樹東去蒼波急如注康山一髮天際橫傳是
先皇洗兵處當年血戰湖水黃日月照耀雄旗光鼎湖
龍去不復返只有雁鷺飛茫茫天開大澤雄今古氣撼
東吳及南楚巴陵洞庭何處邊日斷潯陽送樓櫓北風
獵獵握雙旌此行奇絕如登瀛風波平地不須起向來
魂夢今猶驚浩歌蓬底還搔首卻憶同行信
州守萍水飄零盡白頭相逢且醉餘干酒

澹津湖在府城內一名市心湖雖淺不涸納城中水由

大龍小龍二橋經德化橋穿城而合鄱江

東湖在鄱陽縣東又名督軍湖漢番君吳芮習水戰處
宋彭汝礪游東湖詩草色蒹葭蘆葦中蓮花一片萬枝
紅斜陽色如波心日細雨香吹水面風澤國地開金色
界桃源人在水晶宮扁舟須臾如張翰好在溪邊舊釣
筒又癸未借子仲都官文淵節推遊東湖和子仲詩
泛泛林邊晚扁舟憶五湖丹青難作賦水墨好爲圖
龍蟄雲長在霜寒草自枯詩翁足幽興滿漉在蓬壺
西湖在鄱陽縣西又縣西北有北珠湖跨義感義仁二
鄉自東南至西北五十餘里爲汭八十有四南珠湖在
縣治西南三十里納餘干諸水入鄱江

大雷湖在鄱陽縣東南九十里合諸山水經大渡入鄱
江相近又有方家湖陶家湖灌塘湖白水湖獺湖皆入
鄱江

烏矰湖在鄱陽縣西北納童子渡長石門諸港水西南
入鄱陽湖又利池湖在縣西堯山下博士湖在縣北博

土山下

桂湖在鄱陽縣東北三十五里相近有道汊湖俱受諸山水南經小渡入鄱江又孔目湖亦在縣東北三十五里東納大渡支流西經南湖入鄱江相近又有角尾湖又縣東六十里有沙隔湖俱納大渡支流西入鄱江市湖在餘干縣治前中有越水風日清朗如鏡如練不與眾水相混唐陸羽取以烹茶謂味似鏡湖水也縣西有族亭湖因後漢張遐贈族亭侯故名

清湖在餘干縣南七十里無源不流其深莫測大旱不竭相傳清則時平濁則亂元至正辛卯忽黃濁明年果亂

秧青湖在樂平縣長城鄉又有蛟湖在永豐鄉

龍停湖在樂平縣西南四時不竭下流入樂安江

倒湖在浮梁縣東北一百二十里與安徽祁門縣接界
當往來經行之道

餘水在餘干縣南會縣之西南諸溪餘水故名以其三
道而入又名三餘水或曰吳楚越之餘水也

潤陂水在餘干縣西南六十里其源一出縣界李梅山
一出臨川縣大梅嶺一出進賢縣贊皇嶺同過巖前陂
北合流至族亭湖會龍窟河

瑞洪水在餘干縣西北濱鄱湖有鎮爲閩粵百貨所經
馮田水在餘干縣東北由張家港經沙港受萬年古樓
埠水至黃塘受縣東湖陳塘港水過珠湖受樂平浮梁
二水繞府城饒河口入鄱湖

吳溪水在樂平縣北三十里源出安徽婺源縣遊汀鄉西流入縣界繞石屋山過苦竹渡與浮梁縣計坑水合瀦爲吳溪又西入樂安江

明溪水在樂平縣東七十里自德興縣流入樂安江曰明口又文溪在縣東五十里

天寶水在浮梁縣東南有二源東源出同瞻山陰西源出彭充鴈至程邨合流十五里至楊港入鄱源水

鄱源水在浮梁縣東今名東河源出安徽婺源縣張公山西流入縣界又西南三十餘里合天寶水又二里合橫槎港水又三里合江家山水又十里合壽溪水爲龍潭又四十五里入昌江曰昌江口

大演水在浮梁縣西三十五里今名西河源出安徽建

德縣東南流入縣西北界流八十里合江山水又東南二十里合洗馬橋水又南十里出西港口入昌江其江山水源出江山南流四十五里入大演水洗馬橋水源出焦坑東南流十五里合桂湖橋水又東南流六里入大演水又梅湖水在縣北有二源西源出藤溪嶺東源出柳木合流二十里入昌江

建師港水在浮梁縣北十五里有二源西源出黃連山東流三十五里合東水東源出郎溪東南流十八里合西水爲小西河又東十里爲建師港入昌江

小北港水在浮梁縣北有二源東源出梁和嶺西南流二十里合葉坑水又三十里與西水合西源出宗流坑南流三十五里合桃樹嶺水又二十五里與東水合爲

小北港又南流十五里合苦竹坑水又南流二十五里入昌江

苦竹坑水在浮梁縣東北源出安徽祁門縣褚公嶺西南流五十里入縣界又十五里至凌邨港口入小北港磨刀港水在浮梁縣東北有二源一出庫源嶺一出棗木灣西流十里合流又西三里爲磨刀港入昌江

桂湖橋水在浮梁縣西源出畫溪鴈流經桂湖橋合洗馬橋水流六里至羅家灘入西河又合流十里出西港口至景德鎮入昌江

歷降水在浮梁縣南今名南河有二源南源出安徽婺源縣長溪北源出同瞻山陽在縣北者爲大北港水源出安徽祁門縣歷山

泊水在德興縣東南十八都出泊山下泊灘里西流百餘里至縣治前二十里至小港口入樂安江

南部水在德興縣東九十里源出泊水東七里西北流經縣東三十里南部鄉又北入大溪

長樂水在德興縣南四十里源出大茅山西流合上饒桐川水又西流爲長樂水又西至樂平縣明口會大溪爲樂安江又橫溪水在縣東南源出龍潭山下西流合渾溪瑞港入長樂水渾溪水在縣東南五十里源出港口山瑞港水在縣西南三十里源出石榴源下流俱合橫溪水

建節水在德興縣西南五十里源出弋陽縣霧山北流會上饒僚源諸水又經縣西至樂平桐山港入大溪

大溪水在德興縣北二十里

一作三十里

源出安徽婺源縣

至縣境合寅港南部諸水自東而西至港口合泊水

藍溪水在安仁縣西有三源一出廬山一出紫雲山一出青山俱南流注安仁江

九芝水在萬年縣南隅出自書源

清溪在樂平縣東八十里胡氏世居其旁宋慈湖楊簡書清溪字

槎溪在樂平縣東六十里俗名流槎

龍溪在德興縣東七都宋學士汪藻居此初名浮溪徽宗賜名龍溪

雲錦溪在安仁縣治前源出福建光澤縣峭壁千仞絢草成章故名西北流入安仁江宋晁補之上干越見灘

水清見毫髮其中石五色若可掇拾者從縣令借圖志
閱視溪曰雲錦邨曰玉石因有行盡江南最遠山卻尋
干越上清灘之句

環溪在萬年縣南源出南充諸山會九芝水入竹屯河
南溪在萬年縣源出岳原入殷河

鄔子港在餘干縣西北二十里餘干水之一支水口卽
擔石湖也

銀港在德興縣東北九十里一名寅港源出浙江開化
縣界西流入縣經銀城堡入大溪水

懷蛟潭在鄱陽縣南二百步鄱江中相傳其中有蛟每
浮出傷人馬五月五日郡人於此競渡唐刺史張栖真
嘗懸孝經於標竿賞之又名孝經潭俗謂懷蛟水

鐘潭在鄱陽縣東北一百五十里梁大同閒靈鐘寺鐘聲聞百里後取入朝扣之無聲送還至此沈於潭

龍潭在餘干縣冕山之東龍岡之南德興縣東南二十四都亦有龍潭歲旱禱雨輒應

鳳皇潭在樂平縣豐樂鄉

一作永善鄉

河溪口

大汾潭在樂平縣東北三十里鵞塘盤石下深不可測銀潭在德興縣東北九十里

一作東十里

崖深數丈有眼直

通山巔名龍崖

金雞潭在德興縣東三十里相傳樵者聞山谷閒有聲戛然往視之見五彩雉銜一明珠驚飛墜潭石閒又縣東南五十五里有吳王潭深淨可鑑底有崖如屋宋張燾毀吳芮廟投其像於江祝之曰隨汝所止復祀之像

沂流三里許止此潭遂立爲廟潭因名

龍鳳潭在萬年縣七十餘里兩山夾峙一徑深入潭廣丈餘深不可測四山壁立上有瀑布飛入潭中

國朝康熙十年春旱知縣王萬鑑步禱潭側雨立降

烏石澗在安仁縣南三十里源出臨川縣流經縣南入白塔河又鷺湖澗在縣南四十里亦流入白塔河

洪源澗在安仁縣東北五十里水出縣東三十里大源西流入竹屯河又南山水在縣北五十里源出南山亦入竹屯河

玉石澗在安仁縣東去儒學百步許其水自合掌塘流經通濟二橋注安仁江

白沙在鄱陽縣西漢武帝使下瀨將軍出白沙卽此史

記索隱今豫章東北二百里接鄱陽界地名白沙有小水入湖名白沙坑寰宇記白沙在縣西水路一百二十里沙白如雪因以爲名

蠙洲在鄱陽縣西南二十五里相傳唐時有大蚌產珠因名

螺螄洲在鄱陽縣東一名螺洲又名鼃洲其南岸夾汀水最清隋梁文謙刺饒日嗜此水後人思其廉因名清潔灣

琵琶洲在餘干縣治南水中擁沙成洲狀如琵琶傳爲梁蕭王愷別業

汰金洲在樂平縣西十五里平沙臨水先有歛金場唐開元後廢

唐家洲在安仁縣西一里明知縣謝汝韶建天池閣李華春建昆陽殿

金魚池在府城內寶華巷相傳梁蕭王恢養魚所流杯池在府城內西南千戶所後宋范仲淹所鑿又西有白蓮池匯桃源山水元時總管段廷珪曾砌石橋於右落照池在府城西門外闊九十步池內有走馬埭

天仙池在樂平縣東北天仙觀前靜蛙池在永善鄉披雲閣下俗傳宋相馬廷鸞有翦紙枷禁蛙事

龍泉池在浮梁縣南六十里水極深歲旱投以楮鏹有魚銜之而不卽雨

國朝康熙八年正月忽涸至底其下復有五穴皆深暗不可測三日後水滿如故

化龍池在德興縣學東宋紹興間鑿縣南七里有淬劍池相傳吳芮淬劍於此

龍池在萬年縣南五里上有石壁俯瞰江下一洞深八丈許口稍狹相傳龍穴其中大魚每往朝之

佛指泉在浮梁縣西隅能仁寺前井底有石如指其泉從上湧出味甘冽冬夏不竭亦作市佛泉

膽泉有二一在德興縣東銀山下一在銅山下相傳以泉浸鐵數日輒類朽木刮其屑煅煉成銅後如法浸之不驗元至正二十二年中書省臣張理獻言德興三處膽水浸鐵可以成銅宜各立銅場卽此

煖泉在德興縣二十三都新邨坂明宣德間里人汪志宗夜夢神人告曰爾饒頭罪田下有黃金百斤明晨攜

鋤掘之甘泉湧出冬月熱如釜水灌田數頃雖亢旱不爲災又二十六都茅山之麓有溫泉冬日如沸

七星井在府城內范仲淹鑿舊有七竅如北斗形今湮龍井在餘干縣東南八十里歲旱汲水禱之輒有應焉龍女井在餘干縣西南六十里相傳楊吳時有蔡氏女年十六父母欲嫁之女不從撻之因投井追之無迹但見雙履浮水上時以爲龍女後歲旱則禱焉

劍井在浮梁縣治東清源觀相傳晉蘭真人卓劍處其水清冽大旱不竭又仁壽都有白水井水白如漿味甘邨因得名

烏龍井在德興縣東學宮右其水澄泓四時不竭又縣東妙元觀有丹井相傳葛仙翁煉丹處

吳公井在萬年縣東門外明參政吳廷舉追賊至姚源時冒暑病渴士卒思之乃具衣冠拜祝鑿之遂得甘泉

故名以上並據府縣志

川十南康府

建昌江在建昌縣南百步即修水自武甯縣流入縣西

界稱西河亦名修江又東流百二十里合馮水入鄱陽

湖唐白居易詩建昌江水縣門前立馬教人喚

鄱陽湖屬南康府境者在星子縣南宋蘇轍除夜泊彭蠡湖遇大風雪詩

暮發鄱陽市曉榜彭蠡口微風吹人衣霧縈廬山首舟人釋篙笑此是風伯候棹舟未及深飛沙忽狂走晴空

轉車轍淶水起岡阜眾帆落高張斷纜已不救我舟舊如出此日亦何有老心畏波瀾歸臥塞窗牖土囊一已

從萬竅無不奏初疑邱山裂復恐蛟蜃關鼓鐘相轟壓戈甲互磨呬雲霓黑旗展林木萬弩發曳柴眩人心振

旅擁軍後或為羈嶼吟或作蒼兕吼眾音雜呼吸異出殊罔曰中宵變凝冽飛霰集飛糝蕭騷達轡乾是蕩窗

光透壁凝忽成積澎湃殊未究絃綺鋪前洲瓊瑰環遙
 岫山川莽同色高下齊一覆淵深鼠鼯野曠絕鳴鵲
 孤舟四鄰斷餘食數升糗寒藿僅盈盆肉不滿足豆
 裘擁衾眠微火拾薪構可憐道窮坐使妻子詬幽奇
 雖云極岑寂頃未觀一年行將除茲歲真浪受朝來陰
 雲剝林表紅日漏風稜恬已收江練平不皺兩漿舞夷
 猶連峯吐奇秀同行賀安穩所識問癯瘦驚餘空自憐
 夢覺定真否春陽著城邑屋瓦凍初涸艱難當有憤
 漫醉醇酎朱子詩解組無多口歸哉喜欲狂臨風成
 邈遐載月下滄浪酌酒傳清影鳴榔繫素光他年隔千
 里此夜莫相忘明王恭經鄱陽舟中作揚帆渡彭蠡
 雲樹曉冥冥湖到潯陽白山連建業青乾坤隨去鳥江
 海任流萍回首鄉林遠歸鴻不可聽國朝熊飛渭彭
 蠡阻風時久旱詩朝朝彭蠡南暮暮香鑪峯臥厭一船
 月起聽何寺鐘茲山蓄雲雨布斂
 隨飛龍坐待秋江晚空饑山下農

德星湖在星子縣南鄱陽湖中初名落星陳王僧辯破

侯景兵於落星灣又宋孟太后舟過落星遇風宮人溺

死者數十惟太后舟無恙皆此處也宋朱子和彭蠡月

長占煙波弄明月此心久矣從誰說只今一舸漾中流
 上下天光兩奇絕回頭忽見西郭門尚喜蘇仙有遺烈

問予何事卻回船
塵土泥君頭上雪

宮亭湖在星子縣東五里鄱陽湖中上有宮亭廟故名

一作鄣亭三國時其神能使行舟分風上下後不復靈

又名神林湖梁范雲泛鄣亭湖詩迴艦承派水舉帆逐
路船影沒河宮孤石滄波裏匡山
苦霧中寄謝千金子安知萬里逢

錢家湖在星子縣西南十里宋淳熙閒知軍錢聞詩占

籍於此故名在縣南十里者曰白漕湖縣西南五十里

有六湖曰西廟湯家橋浦走馬硬灘龍溪龍溪湖昔設

龍溪鎮於其上溪頭有二井泉深不可測

株林湖在星子縣北十里又北二十里曰馬頰湖又北

十里曰大廣湖穀山湖縣東北二十里曰梅歧湖揚瀾

湖在都昌縣西南又北爲左蠡湖明解縉詩珠磯翠岫
青如帶左蠡風沙白

湖在都昌縣西南又北爲左蠡湖明解縉詩珠磯翠岫
青如帶左蠡風沙白

似銀一幅蒲帆秋水裏魚龍飛舞送歸人
行小艇迎風發星渚纔到揚湖日過午榜人貪涉不肯
停黃昏欲抵都昌浦餓頃狂飆白西來水聲騰沸山崩
攔泥兼雷雨助其勢同舟面色如死灰急曳半帆回左
蓬隕黑仍馳二十里依稀見岸不得近沙淺曾無盈尺
水終宵漂泊蘆葦邊風波震蕩誰敢眠世間平地皆好
住何事江湖年後年

郭山湖在都昌縣北二十里亦名郭家湖縣西北二十
里有石流湖又西北五里曰舊山湖吳江湖

大沙湖在都昌縣東三十五里地多沙因名又縣南三
十里有石湖

明月湖在建昌縣西南歐山上其水泓涵澄澈瑩然如
月

南河在建昌縣南卽馮水自安義縣界流入又東北至
縣東南與修水合

新開河在都昌縣西一里宋紹聖間邑令以縣境邊湖風濤不時請開此河以便舟楫且避大小磯水之湍急後港河在都昌縣北六十里自左蠡石流觴引入至徐家埠有九十九灣春夏水漲廣通舟楫

掘土港水在建昌縣西北二十五里宋時熊仁瞻葬母一夕暴雨成川母柩以達縣北六十里有檀陂水源出德安流合修水

帽帶水在建昌縣東自縣北繞而南入修水

周坊水在建昌縣東其地當四水之中章江漲則北入修水修水漲則南流入新建縣之冷溪

布水在建昌縣西北

一作西南

四十里源出歐山垂流三十

餘丈形如曳布又有南舍山水源出歐山之北又縣西

七十里。有白楊水源。出白梅陂。

白沙水在建昌縣西南三十里。又縣西三十里有醴坑。水五十里有向家水。俱出雲門山。北入修水。六十五里有白洋水源。出白洋三陂。經考坑入修水。七十里有雲門水源。出雲門山。至長樂陂入修水。又縣西北四十里有水。西水六十里有朱家坳水。江陂水。縣北三十里有驛南水。俱出德安縣南。流入修水。

南湖水在建昌縣東北。匯縣東北境。諸水爲南湖。

龍江水在安義縣南一里許。自靖安縣界流入經縣境。合馮水會修水。

馮水在安義縣南三十里。自奉新縣界流入經縣南東。流合修水。縣東南四十里有兆州水源。出兆州山。合馮

水會修水

白武水在安義縣南二十里相近有斛源水又縣南三十里有湖陂水俱出靖安縣界東流入修水

東陽新徑水在安義縣東二十里南昌鄉自靖安縣界流入與馮水兆州水合於義興稱義興三合水唐寶應閒從靈陂田中忽成大川竟達東陽津口發源處有破石潭相屬三四里漁人垂絲探之直下三十餘丈莫測其底

皎源水在安義縣西北二一作三十里源出靖安縣寶峯山險不通舟東流合修水

靈溪在星子縣西三十里祥符觀後相傳秦末有武士三人學道隱此一夕雷雨奄至所居左右忽成二溪磐

石上有玉簡天篆曰神化靈溪金簡標題真人受旨玉
澗潛棲十六字

龍溪在星子縣西南五十里源出黃龍山自髻山直至
湖濱環繞如龍溪頭有二井深不可測

石鏡溪在星子縣西二十五里石鏡峯下宋王十朋詩
山中有鏡石
為臺雲霧深藏未肯開別有一
溪清似鏡不須人為拂塵埃

沙溪在星子縣南二十里又南四十里為瀘溪明劉秩
舟過瀘
溪詩行舟爭發曉風低無數桃花望眼
迷楚客傷春愁似海一蓬煙雨過瀘溪

鸞溪在星子縣西二十五里源出紫霄峯下相傳宋周
子數至歸宗寺與真淨文禪師結青松社因名寺左之

溪曰鸞溪以擬東林虎溪宋李綱詩溪流宛轉若翔餘
翠色涵虛特地寒底事舞餘
窺碧沼祇應
誤作鏡中看

朱家溪在建昌縣西北六十里源出旱陂經虬津流合修水

謝恩港在星子縣東九里源出廬山又縣西南二十六里有藿藤港源出黃龍山俱流入鄱陽湖

山田港在都昌縣東三十里自鄱陽湖分水入縣之新城鄉長八十里又大埠港在縣東二十里三汊港在縣東五十里

歐陽潭在星子縣東北五里

臥龍潭在星子縣北二十五里五乳峯下有上中下三

潭旁有臥龍庵故名宋孔武仲詩已登臥龍庵更看臥

中鳴百雷林外漱寒玉雄豪與青泚上下相接續陽崖發幽花陰壑偃喬木兩崖天劃開萬古神潛伏我來坐潭上俯仰清耳目神骨倍瀟灑衣襟仍飄飄名山到能幾好景看不足殷勤莫思歸更共潭邊宿

玉淵潭在星子縣北二十里棲賢寺側三峽澗中諸水合流奔注潭中驚波噴空瀉下三峽潭上有白石如羊橫互中流其南爲三峽橋長幾百尺橫絕大壑橋下有龍潭曰金井兩崖石皆紫赤角立軒軒然如壯士戴橋立者其東有招隱泉泉出石龍首中瀉下三峽澗匯爲巨潭曰石橋潭唐陸羽茶經品其水爲天下第六舊有陸羽亭今廢詩著履重來又一奇飛流十步瀾龍池不知雨點添多少跳沫巖於白鷺鷥王士正詩已歷三峽橋更訪玉淵水水流大壑中路轉層松裏片石橫百仞其石平如砥九十九飛瀑一門爭萬軌峽直要衝跳盪不得止雪浪如車輪凸凹忽奔駛激射爲深潭神物潛尺咫夜黑風雨來鱗鱗皆避徙久立凜毛髮薄雲漏餘曷西眺石人峯梵唄空中起

烈女潭在星子縣西七里清潭山下俗名雞公潭爲唐家堰之源明正德閒宸濠之亂甘氏女清秀殉節於此

因名

白龍潭在星子縣含鄱口東南其水自山巔下注俗呼白石漕上有庵曰雲霧窟

檣樹潭在都昌縣東七十里廣不盈里而風波甚險

蘆潭在建昌縣東六十里上有市

黃沙灘在都昌縣西北二十五里爲赴郡必經之道夏秋俱水冬春水涸一里黃沙中有微流至左蠡幾二十里行人患之明末推官黃啟忠建橋砌石路六七里蒲溪灣在星子縣西五里據層城山斜川之間晉陶潛所游處也宋劉恕友舍在焉後子澄葺爲別墅

洗馬灣在都昌縣西里許俗傳陶侃洗馬於此

青樹灣在建昌縣東十五里又名珠溪世傳漢章帝元

和閒明月珠出豫章海昏大如雞子卽其處

玉澗在星子縣玉京山東南有橋曰玉澗橋宋崔閑居玉澗上有庵顏曰睡足今廢

西澗在星子縣西北十八里宋劉渙嘗乘黃犢往來於此

清泉澗在星子縣西十五里萬杉寺東納五老峯以西諸水西南流過九洪橋入鄱陽湖又相辭澗在縣北三十里石牛山南唐女真蔡尋真李騰空學仙術成別此故名

黃婆磯在星子縣東南二里濱湖

渚磯在星子縣南七十里當鄱陽湖之西渚北距都昌縣之左蠡南距吳城鎮俱六十里爲湖中津要

芙蓉洲在星子縣西二里與玉京山相連城南十里有
鼉河洲識云鼉河洲若圓南康出狀元

蓮花洲在建昌縣西五里舊有蓮花到縣前建昌出狀
元之識縣西十七里蛇骨洲相傳晉永嘉中有蛇長三
十餘丈以氣吸人許遜吳猛有神術率徒眾往殺之聚
骨成洲今呼其水爲龍骨洲水與蛇子逕水合

愛蓮池在府治內宋周子所鑿明成化八年知府曹凱
重濬建亭其上又都昌縣治西有蓮池唐李簡所鑿安
義縣北三十里有白蓮池開則歲豐否則歉

蓼花池在星子縣西南十五里一名草堂湖又城西三
十里有故里池宋柳宏建昌人宰德化游廬山卜居以
建昌與星子鄰若在故里故鑿池以名之

謝志舊案名
勝志云考九

江名宦傳德化令
無柳宏當作柳寵

洗墨池有二一在星子縣秀峯

一作開先

寺後南唐李璟讀

書處一在縣瞻雲

一作歸宗

寺後晉王羲之洗墨處歸宗寺

有鵲池亦因義之得名

流杯池在星子縣白鹿洞其崖有石劖朱子流杯池隸
字朱子嘗與其徒環石而坐流觴浩歌其上又書流觴
二字

大甯池在都昌縣東十里有信潮產魚相近有小甯池
磨劒池在都昌縣西卽蘇仙淬劒之地又建昌縣有二
池一在昇仙鄉一在冷水臺旁皆傳爲許旌陽磨劒處
潮泉在星子縣西南二十里雞籠山澗中其泉日夕應
潮朔望尤大

瀑布泉在星子縣秀峰

一作開先

寺者有二其在東北者瀉

出鶴鳴龜背之間曰馬尾水水勢奔注而崖口隘束噴

散數十百縷如馬尾然其在西南者則自坡頂下注雙

劍峯背邃壑中匯為大龍潭繞出雙劍之東下注大壑

懸挂數百丈曰瀑布水水循壑東北逝與馬尾水合長

流山峽中下注石潭石碧而削水練而飛潭紺而淵因

名其峽曰青玉峽潭曰龍池

明王禕觀瀑布記廬山南

所見者最勝開先瀑布有二其一曰馬尾泉其一在馬

尾泉東出自雙劍香鑪兩峯間為尤勝或曰瀑布之源

昔人未有窮之者或曰水出山絕頂衝激入深淵西入

康王谷為水簾東出香鑪峯則為瀑布也十一月十八

日南至余約郡守呂侯肩輿十數里至開先主僧志一

作丈室未成邀坐茅屋中乃訪漱玉亭卻至龍潭石峽

口由寺至亭可二百步由亭至峽口僅數十步蓋自遠

觀之瀑布出自兩峯間如瀉天半由近而觀則二瀑下

注匯為重潭潭水出石峽乃為溪循山足東流以入於

彭蠡當峽口仰望但見水從潭中出巖谷回互二瀑所

從來不可復見矣。峽石上刻青玉峽及第一山字大二尺半。帶書也。石間多題名。石枯字畫淺。初不可悉辨。命左右掬水沃之。字乃見。大率宋南渡後人。其人無間者居多。可識者纔十二三。因慨君子惟植節砥行。乃不可朽。苟不出此。雖託名巖石。永久而人不識也。又從石壁間讀清熙中鄧守禱雨神龍示現事。一公爲余言。歲春夏之交。大雨後。瀑水盛。潭邊滋積。葉墜梗皆蕩。去不留。謂之龍洗潭。或歲旱。人來取水。潭中禱龍神。輒有應。至今常然。回坐亭上。亭廢已久。亭下池亦爲石所墮。初寺僧作石雷接潭上。引水至寺中。給庖。漏又鑿石作此池。卽蘇長公賦詩處也。徑八九尺。雷水從潭上來。流入池。乃從池中洩入雷。以去。而石雷廢亦十五六。予命一公葺之。一辭力弗贍也。明年三月二十六日。雨初霽。部中又無事。復約呂侯及通判羅從道幕賓徐君弼。姬執中。星子令葛俊德游焉。比抵寺。諸公皆先詣一公。余獨徑往潭下。坐石上。瀑水方怒。洶奔騰。激聲震如萬雷。令人心怖。神悸。股戰。慄不休。頃焉諸公至。見余獨坐。又顏色變。皆拍手呼大笑。然水聲湍洞呼笑聲。亦不聞也。寺僧云。龍適洗潭矣。於是一公丈室已完。又作竹覓接石雷。引水過階。除下清駛。極可愛。余命取水煮茗。茗一試之。果然。暮乃回。六月十日。余被召將赴京。念人世行止不可必。萬一有他累。則清游不復得。因與諸人段謙曹元同泛過落星湖。約得路之半。舍舟以行。一公與光

應知余來遠出迎乃與二僧攜手行至招隱橋坐橋上
橋在寺前五十步潭水爲溪所經也其西東松杉楓杞
蒼翠色掩映從樹底望鶴鳴諸峯高出樹杪僅尺許隱
然如畫圖中見又從樹隙見巖暖采薪人衣白大如栗
初疑此白石耳有頃漸移動乃知是人也橋下流水觸
石潏潏鳴塵慮俗想蕩滌殆盡久之不能去乃造一公
所畧余以所賦詩又出榜伽經使予讀讀盡卷頗悟微
旨一二應公者戒行清峻略涉書史年且老不欲他走
一公邀留與同處郡中亂後無讀書人可以語余因數
與往來一公請予請潭下是時久不雨瀑布流且絕余
指覓中水謂曰此水一耳何必復往也是夕宿寺中夜
半雨大作比曉余未起應叩門告曰瀑布流如故矣盍
亟起觀之余欣然披衣起倚闌睇視良久口初出紅光
徑照香鑪諸峯上諸峯紫馬猶未斂光景恍忽可玩不
可言也應因誦李太白觀瀑詩又誦笑隱題太白觀瀑
圖詩余笑曰安知今日無太白耶胡可謂古今人不相
及也比午乃還一公閒爲余言開先者舊傳梁昭明太
子之所棲隱南唐元宗在潛邸亦嘗讀書於此招隱橋
其所造也後歸踐尊位乃卽此造寺故以開先名有了
巖和尚者實開山宋以來住山者皆名德寺前有松每
株大數十圍佛印元禪師所手植近時南楚越公乃盡
伐以建寺見者惜之而寺今亦爲劫灰矣豈非數乎一
之居此所願圖復其舊而適此大法凌遲有志未遂幸
丈室苟完聊安餘息而已公尙丐我一言以記之吾之

願耳余諸之末果爲也唐張九齡入廬山仰望瀑布
水詩絕頂有懸泉喧喧出煙杪不知幾時歲但見無昏
曉閃閃青崖落鮮白日皎灑流濕行雲滅沫驚飛鳥
雷吼何噴薄箭駛入窈窕昔聞山下蒙今乃林巒表物
情有詭激坤元易紛矯默然置此去變化誰能了李
白望廬山瀑布水詩日照香鑪生紫煙遙看瀑布挂前
川飛流直下三千尺疑是銀河落九天顧況廬山瀑
布歌送李願顥白霓挂丹梯應從緱嶺女機邊落不造
陽潮向西火雷劈山珠噴日五老峯前九江溢九江悠
悠萬古情古人行盡今人行老人也欲上山去上箇深
山無姓名徐凝詩虛空落泉千仞直雷奔入江不暫
息今古長如白練飛一條界破青山色宋范仲淹詩
靈源何太高北斗想可挹凌日三光直逗雲千仞急白
虹下瀉飲寒劍倚天立閃電不得瞬長雷無敢熱萬丈
巖崖折一道林巒溼險偏飛鳥墜冷束山鬼泣須當截
海去濁流不相入蘇轍詩山上流泉自作溪行逢石
缺瀉虹霓定知雲外波濤闊飛到峯前本未齊人海明
河驚照曜倚天長劍失提攜誰來臥枕蓐苦石一洗塵
心萬斛泥元楊維禎廬山瀑布謠并序甲申秋八月
十六夜予夢與酸齋仙客游廬山各賦詩酸齋賦彭郎
詞予賦瀑布謠銀河忽如瓠子決瀉諸五老之峯前
我疑天仙纖素練素練脫軸垂青天便欲手把并州剪
剪取一幅玻璃煙相逢雲石子有似捉月仙酒味無
夜渴甚騎鯨吸海枯桑田居然化作十萬丈玉虹倒挂

清冷淵 國朝王士正開先瀑布詩神龍壁空冥楓沓
變峽開青天露鱗甲白晝行風雷峽偏不得逞掉尾揚
其類千仞忽開豁下有布水壺管聞龍奮迅三昧何雄
哉誰能一盃盛終古相喧逐夜來雷雨怒大石爲崩摧
龍游引九子煙霧粉徘徊偉矣南宮書經杜
阮筭破壁巉崔嵬有語不敢吐以俟冠古才

簡寂觀側有二瀑布水東澗瀑廣而傷於短西澗瀑高

而病其微

唐韋應物尋幽寂觀瀑布詩躡石敲危過急
澗攀崖迢遞弄懸泉猶將虎竹爲身累欲付

歸人絕
世緣

玉簾泉在星子縣石鏡峯下相傳迷失草間闢之者歸
宗寺僧蠡雲也旁建小閣曰觀泉由歸宗寺至玉簾石
路甚滑

三疊泉在星子縣北二十五里五老峯背泉下注磐石
三疊而後至地亦名三級泉上級如飄雲拏練中級如
碎玉摧冰下級如玉龍走潭散珠噴雪真天下絕景非

谷簾瀑布所可方朱子謂之新瀑恨不一見與黃商伯

書屢及之

宋劉過觀三疊泉詩五老峯北嵯峨嶺龍泉

歲年一朝何事失局鑰樵者得之人共傳欲往從之人

憚遠險溪絕壑窮攀緣初疑霜崩湧天谷翻若雲奔下

巖宿散爲飛風颺輕煙垂似銀絲貫珠玉隨風變態難

盡名觀者洞駭心與目清寒侵袂心益爽清甘熨齒手

屢掬我欲攬之作玉虹似開九丈錦屏風有若插

碧金芙蓉笑騎揮斥凌太空窮源直到天河東

合簾泉在星子縣北三十五里康王谷其水如簾布巖

而下者三十餘派亦匡廬異觀也唐陸羽品其水爲天

下第一

宋葛長庚詩紫巖素瀑展長霓草木幽深霧雨

青紅紫翠閒仙翁朝斗有遺壇竹

梢露重畫猶溼松裏雪深夏亦寒

雲液泉在星子縣谷簾泉側山多雲母石泉甘且清蓋

雲母滋液所致

南唐道士吳筠賦坤元孕氣浩暢於泉

此山側處蒙險以難知猶井深之不食我搜靈祇載披

載登見其地僻至深源深有恆沍寒不爲之臨暑雨不

爲之增考室就飲樂在枕肱甘俸元玉之膏德並雲華
之液疾可蠲生可益引充狎玩唯意所適懸之則潔素
壅之則澄碧晝浮光以悠揚夜含馨而漸滌陰陽爲災
水旱失節不雨炎夏暨於元月汪汪洪波久已竭耿耿
澤布今亦絕挫江湖之浩蕩沉溪澗之微劣斯泉秉彝
不慙涓涓於此時夫醴泉無源而易涸丹雘乍見而難
挹焉若止以爲際酌焉取給何似神仙之漢帝臺之漿
奇於絕境真可謂靈而長者也

野老泉在都昌縣二里清隱寺水出石罅中清冽甘潔
大旱不涸宋蘇軾蘇轍黃庭堅嘗游此石上刻野老泉
三字呂公泉在縣北九十里呂公嶺上

卓劒泉在建昌縣南四十里相傳晉許遜斬蛇淬劒於
此

溫泉在建昌縣西六十里四時溫煖患瘡者洗之多愈
縣北五里有吳猛泉亦名冷水泉可洗瘡痍

馬尾泉在安義縣東三十里長嶺之東源出天馬山麓
明月井在府治內宋知軍徐回建亭於上嘗曰吾欲守
廉如此泉之清

奎聚井在星子縣儒學內元萬戶府鑒明萬厯間知府
田瑄掘龍門池得井石識曰東井與奎聚若相符云
五井俱在都昌縣境內相傳五代范越鳳過此喜其地
合五行故濬之縣西桃源鄉有天井相傳宋末杜氏夫
婦頻年施茶一日道人插劒湧泉遂成井曰吾以此報
君後傳汲之可愈瘡一名仙井

七靖井在建昌縣城內外相傳晉永嘉中許遜嘗煉丹
於黃龍山有蛟魅爲祟輒作洪水欲漂丹室禽之釘於
石壁還郡時海昏有巨蛇據山爲穴吐氣爲雲遜復誅

之法北斗七星作七井以鎮井爲之讚其名曰丹符靖
華表靖紫陽靖御奏靖進化靖劉真靖霍陽靖

以上並
據府縣

志

江西通志卷六十